



Claudii Fleurii Abbatis Historia Ecclesiastica

Ab anno Christi 1400. usque ad annum 1415 - Unacum Dissertatione
Præliminari Ad Historiam Sæculi XV.

Fleury, Claude

August. Vind. [u.a.], 1767

VD18 90118286

§. 156. Papa de fuga suspectus.

[urn:nbn:de:hbz:466:1-66281](#)

fascinabant, ut altera etiam die Congre- Sæcul. XV.
A.C. 1415.
gationem cogeret, ibidem expositurus,
Ecclesiæ de novo Papa providendum
esse. Quo facto satis manifeste indica-
vit, Joannem Papatu abiisse, ac Synodo
alium eligendi jus competere. Fervida
inde ultro citroque exoriebantur jurgia,
Archiepiscopo Moguntino palam pronun-
tiante, quod si Synodus novum Papam
eligendi jure potiretur, haud aliū, quam
Joannem XXIII eligere posset, alium se
nunquam pro legitimo Pontifice habitu-
rum. Cum vero unicuique plena sen-
tentiam suam edicendi libertas esset, &
quilibet (prout in æstu disputationum fieri
amat) contra illum, qui dissensionis
auctor credebatur, magno fervore insur-
geret, ideo cuncti crimina, de quibus
Joannes accusatus fuerat, in memoriam
revocare, accusationumque capita adver-
sus eum exposita, recoquere cœperant.
Tandem vero Nationibus attributa fuit
potestas statuendi, quicquid ad promo-
vendam Ecclesiæ unionem, necnon Pon-
tificis electionem magis expedire judica-
verint.

§. CLVI.

Papa de fuga arripienda suspectus.

Hæc sententia tam efficaci conatu dis-
sipabat clandestinas Joannis artes,
ut

Sæcul. XV.

A. C. 1415.

ut Constantia excedere, atque occulta
fuga sese subducere omni studio intentus
esset. Ast cum sub idem tempus con-
currēns rerum vicissitudo compluribus fa-
tis firmum de ejusmodi fuga suspicādi
præberet argumentum, quantocius pro-
mulgatur edictum, vi cuius omnes, qui
urbem egredierentur, detineri, atque ex-
actius explorari jubentur. Ipse met Car-
dinalis S. Angeli quondam deambulans
prehensus est. Quapropter Joannes de
læsa securitate, ac libertate adeo sole-
mniter promissa suas apud Magistratum
querelas detulit, qui tamen culpam in Si-
gismudum rejecit. Ergo omnibus mo-
dis cautum est, ne Pontifici urbe exce-
dendi copia daretur, petitumque fuit ab
eo. I. Ut constitueret Procuratores i-
donea ad renuntiandum Papatui auctori-
tate instructos. II. Deferret hanc pro-
vinciam ipsi Imperatori, Prælatisque huic
adjungendis, atque de præmissis Bul-
lam ederet. III. Constantia non disce-
deret, nec Concilium dissolveret, donec
unio perfecta esset. IV. Nec ad Conci-
lium vocati clandestine recederent. Ho-
sce Articulos Patriarcha Antiochenus
proposuit Pontifici, Joannes vero Depu-
tatis respondit, velle se per se ipsum Pa-
patui cedere, id enim Personæ suæ, Ec-
clesiæ, & Concilii honorem exigere,
huncque cedendi modum aliunde ma-

*Gerard. de
Roo. Hist.
Austriac. l. 4.
p. 136.*